

80. SJEDNICA
IZVRŠNOG ODBORA BOŠNJAČKOG NACIONALNOG VIJEĆA
Novi Pazar, Glavni ured Vijeća, 04.02.2012.godine; 11:00h

IZVOD IZ ZAPISNIKA

PRISUTNI: Esad Džudžević, Redžep Škrijelj, Ervin Ćatović, Ahmedin Škrijelj, Mevluda Melajac i Muratka Fetahović.

OPRAVDANO ODSUTNI: Muhedin Fijuljanin, Admir Mušović i Mustafa Baltić.

PREDSJEDAVAJUĆI: Esad Džudžević, predsjednik Izvršnog odbora

Prije prelaska na dnevni red Izvršni odbor jednoglasno je usvojio zapisnik sa 79. redovne sjednice Izvršnog odbora.

Nakon usvajanja zapisnika, jednoglasno je usvojen sljedeći

DNEVNI RED:

- 1. Pravilnik o unutrašnjoj organizaciji i sistematizaciji radnih mjesta u Glavnom uredu Bošnjačkog nacionalnog vijeća u Novom Pazaru;**
- 2. Plan rada Izvršnog odbora Vijeća / Utvrđivanje obaveza šefova resora u skladu sa programom rada BNV-a 2010-2014. godine i u skladu sa zakonskim nadležnostima;**
- 3. Rad Zavoda za kulturu sandžačkih Bošnjaka / Realizacija zaključaka sa konstitutivne sjednice Upravnog i Nadzornog odbora Zavoda;**
- 4. Prijedlog odluke o izgledu pečata i štambilja Bošnjačkog nacionalnog vijeća;**
- 5. Prijedlog za preduzimanje mjera zaštite, sanacije i rekonstrukcije kulturnih dobara (član 18. stav 1. tačka 4.ZNSNM) / Elaborat o obnovi tvrđave u Novom Pazaru;**
- 6. Zahtjevi pravnih i fizičkih lica;**

Prva tačka dnevnog reda: PRAVILNIK O UNUTRAŠNJOJ ORGANIZACIJI I SISTEMATIZACIJI RADNIH MJESTA U GLAVNOM UREDU BOŠNJAČKOG NACIONALNOG VIJEĆA U NOVOM PAZARU

Predsjedavajući je dao riječ izvjestiocu, Ahmedinu Škrijelju. Nakon izlaganja izvjestioca, predsjedavajući je otvorio raspravu po ovoj tački dnevnog reda.

Kako se niko od prisutnih nije javio za diskusiju predsjedavajući je prvu tačku dnevnog reda stavio na glasanje.

Izvršni odbor Vijeća, jednoglasno je usvojio Pravilnik o unutrašnjoj organizaciji i sistematizaciji radnih mjesta u Glavnom uredu Bošnjačkog nacionalnog vijeća u Novom Pazaru.

Druga tačka dnevnog reda: PLAN RADA IZVRŠNOG ODBORA VIJEĆA / UTVRĐIVANJE OBAVEZA ŠEFOVA RESORA U SKLADU SA PLANOM RADA BNV-a 2010-2014. godina I U SKLADU SA ZAKONSKIM NADLEŽNOSTIMA

Predsjedavajući je obrazložio ovu tačku dnevnog reda i otvorio diskusiju.

U diskusiji su učestvovali Ervin Ćatović, Mevluda Melajac, Esad Džudžević, Redžep Škrijelj, Muratka Fetahović i Ahmedin Škrijelj.

Nakon rasprave, Izvršni odbor jednoglasno je usvojio sljedeće zaključke po drugoj tački dnevnog reda:

A

1. Zadužuje se Ervin Ćatović, šef resora za kulturu da Izvršnom odboru dostavi prijedlog odluke o utvrđivanju ustanova i manifestacija od posebnog značaja za očuvanje, unapređenje i razvoj posebnosti i nacionalnog identiteta sandžačkih Bošnjaka u Republici Srbiji.
2. Zadužuje se Upravni odbor Zavoda za kulturu da Izvršnom odboru Vijeća dostavi prijedlog odluke o utvrđivanju pokretnih i nepokretnih dobara od posebnog značaja za sandžačke Bošnjake u Republici Srbiji.
3. Zadužuju se Redžep Škrijelj, šef resora za obrazovanje i Muratka Fetahović, član Izvršnog odbora da Izvršnom odboru dostave prijedlog odluke o utvrđivanju obrazovno – vaspitnih ustanova od posebnog značaja za sandžačke Bošnjake u Republici Srbiji.
4. Zadužuju se Redžep Škrijelj, šef resora za obrazovanje i Muratka Fetahović, član Izvršnog odbora Vijeća da upute dopise Ministarstvu prosvjete i Zavodu za unapređivanje obrazovanja i vaspitanja i da se tim dopisom zatraži održavanje sastanka sa predstavnicima Zavoda.

B

1. Zadužuje se šef resora za službenu upotrebu bosanskog jezika i pisma da najkasnije do 13.02.2012. godine dostavi plan rada Izvršnog odbora u oblasti službene upotrebe jezika i pisma.
2. Zadužuje se šef resora za informisanje na bosanskom jeziku da najkasnije do 03.03.2012. godine dostavi plan rada Izvršnog odbora u oblasti informisanja;
3. Zadužuje se šef resora za kulturu da najkasnije do 03.03.2012. godine dostavi plan rada Izvršnog odbora u oblasti kulture.
4. Zadužuje se šef resora za obrazovanje na bosanskom jeziku da najkasnije do 18.03.2012. godine odštavi plan rada Izvršnog odbora u oblasti obrazovanja.

Treća tačka dnevnog reda: RAD ZAVODA ZA KULTURU SANDŽAČKIH BOŠANJAKA U REPUBLICI SRBIJI / REALIZACIJA ZAKLJUČAKA SA KONSTITUTIVNE SJEDNICE UPRAVNOG I NADZORNOG ODBORA

Predsjedavajući je dao riječ izvjestiocu, Ervinu Ćatoviću. Nakon izlaganja izvjestioca, predsjedavajući je otvorio diskusiju. U diskusiji su učestvovali Esad Džudžević, Ahmedin Škrijelj, Redžep Škrijelj i Ervin Ćatović.

Izvršni odbor jednoglasno je usvojio izvještaj o realizaciji zaključaka sa konstitutivne sjednice Upravnog i nadzornog odbora Zavoda za kulturu sandžačkih Bošnjaka.

Četvrta tačka dnevnog reda: PRIJEDLOG ODLUKE O IZGLEDU PEČATA I ŠTAMBILJA BOŠNJAČKOG NACIONALNOG VIJEĆA

Predsjedavajući je dao riječ izvjestiocu, Ahmedinu Škrijelju. Nakon izlaganja izvjestioca, predsjedavajući je otvorio raspravu po ovoj tački dnevnog reda.

U diskusiji su učestvovali Muratka Fetahović, Ahmedin Škrijelj, Redžep Škrijelj i Ervin Ćatović.

Izvršni odbor Vijeća, jednoglasno je usvojio Prijedlog odluke o izgledu pečata i štambilja Bošnjačkog nacionalnog vijeća.

Peta tačka dnevnog reda: PRIJEDLOG ZA PREDUZIMANJE MJERA ZAŠTITE, SANACIJE I REKONSTRUKCIJE KULTURNIH DOBARA(član 18. stav 1. tačka 4.ZNSNM) / ELABORAT O OBNOVI TVRĐAVE U NOVOM PAZARU

Po petoj tački dnevnog reda Izvršni odbor je usvojio zaključak kojim zadužuje Ahmedin Škrijelja i Mustafu Baltića da u ime Vijeća i Zavoda za kulturu upute dopise resornom ministarstvu (Ministarstvo kulture, informisanja i informacionog društva)

Šesta tačka dnevnog reda: Zahtjevi pravnih i fizičkih lica

Po šestoj tački dnevnog reda usvojeni su sljedeći zaključci:

- a) da se predškolskoj ustanovi „Jela Jovsnović i Emina Bučan“ iz Sjenice uputi dopis kojim će se obavijestiti da Vijeće nije nadležno za davanje tražene saglasnosti.
- b) da se Bošnjačkom kulturnom centru uputi obavještenje da je CBS u saradnji sa ALMANAHOM iz Podgorice već dobio sredstva od EU za realizaciju identičnog projekta, i da je isti u početnoj fazi realizacije, te da se stoga zahtjev za finansiranje projekta predloženog od strane BKC-a, odbija
- c) da se Zaimu Hadžisalihoviću isplati pet dnevnica radi angažovanja na izradi projekata SBONI 2012, SAKS 2012, FESS 2012 i časopisa „Bošnjačka riječ“, u iznosu od 8.685,00 dinara.

Sjednica je završena u 14:00h

U Novom Pazaru, 04.02.2012. godine

PREDSJEDAVAJUĆI
Esad Džudžević, dipl. sociolog